

6M

DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis vigesimo-nono
mensis Januarii, anno Domini M. DCC. L.

M. HUGONE CAPET, Doctore Medico, Præsides.
An sessione præsertim, curanda Ani Fistula?

I.



IR probus, mederi sciens, non ex uno eodemque penu sua mutatur præsidia. Illi robur & armentarium triplex: Diæta, Pharmacia, Chirurgia; quibus *Therapeutice, Pathologiæ* pars ultima, continetur. Vario fidium genere instructum decet arcum in manu Sapientis. Diætam, usus sex rerum, quas *non naturales* vocant, adhibet Medicus. Pharmaciæ, eligendis, componendis, administrandisque medicamentis jubet inservire, Chirurgiam, *manuali* illam & Medicinæ ministram, tumoribus, vulneribus, ulceribus; &c. ad moveri, pro suo munere præscribit. Duplex igitur Chirurgia: alia Medica, quæ solius est Medici; & *Instrumentalis* alia, cujus exercitium Chirurgus non ita committitur, ut ad Medicum quodque non pertineat. Hæc, in solidis hæret corporis partibus; illa, fluidarum etiam *crasim* conservat, mutat, restituit. Hæc, quæ præter naturam separantur conjungendo, quæ perperam conjunguntur separando, quæ redundant detrahendo, partes adimplet suas; illa, tota est in discutiendis, resolvendis, alterandis vitiatis humoribus; in solidis *adstringendis, emolliendis, mundandis*, roborandis; præsertimque in designandis, opportunitis ad hæc ritè præstanda, modis atque temporibus. Ad hanc, spectat instrumentorum & remediorum exteriorum applicatio *manualis*; illius est, victus rationem indicare; nec-non interna, quæ Pharmacopœus exhibet; & externa, quæ Chirurgus admovet, medicamenta imperare. Hinc conjice, quàm Chirurgia-Medica, sit *Instrumentali* necessaria! Patet fat amplius Chirurgus campus, in quo suam cum laude Artem exerceat. Quantam in manibus agilitatem dexteritatēque, quantam animi constantiam, quot & quàm crebrè repetitos operandi habitus Chirurgus inesse oporteat, norunt qui Chirurgorum nomen, Chirurgicæ sagacitate & industriâ, multo latius patere, damno suo compererunt. Opus quamobrem Chirurgicum temerè non suscipiat Artifex. Nullum aggrediatur (modò per ipsum liceat) nisi præsentē Medico, probante, & consiliis mentem dubiam, pro re natâ, manumque firmante. Ab amabili nec interruptâ Chirurgi simul & Medici conspiratione, quid non expectandum boni? Mutuo utriusque veluti concentu, ea meherclè seligetur curandi ratio, quæ citius, tutius, & molestè minùs instituitur, procedit, absolvitur.

II.

DUCTUS *Intestinalis* pars extrema & infima, quæ diductas inter *Nates* rugosa deprehenditur, Podicem vel Anum constituit. Exterior hoc orificium *Recti*, sic à naturâ comparatur, ut, præter voluntatis imperium, nihil ex alio sinat effluere.

A

Nonnullis interim, extrâ consuetudinem minimè perforatur, quibus aperiendum for-
 scite venit. Inficiis Parentibus, exitu sæcum hunc in modum impedito, vita quot re-
 cens Natis erepta? Diversi motuum generis Anus est capax. *Muscularis* partim,
 partim & *membranaceus*: nunc dilatatur vel relaxatur; modò contrahitur vel coarctat-
 ur. Jam *elongatur* aut distenditur; mox *abbreviatur* aut restituitur. Peculiares tamen,
 quos habet, Musculi, huic vel retinendo, vel constringendo potissimum intersunt;
 & quinque numerantur. Horum duo dicuntur *Levatores*, quòd in ejectione durâ susti-
 neant Anum, vetentque, ne de sede naturali suâ dimoveatur hic, & foris excidat.
 Talis Ani *Procidencia* frequentior est pueris, quibus blandè reponendus, litu prævio,
 cum spongiâ & *adstringente* fotu continendus. Tres alii Podicis Musculi, *Sphincte-*
rem ejus componunt, & stricte aded claudunt ostium, ut injussa excrementa non
 possint elabi. Quòd verò relaxetur, dilatetur ac distendatur Anus, illud non tam
 supra-memoratis Musculis, quàm ipsis-met excrementis referendum. Facies nempe
 certâ copîâ, certâque morâ in *Recto* nequeunt colligi, quin fugam citò meditentur.
 Jam gravitate, duritie, siccitate & acrimoniâ, quas, crassorum intestinorum longi-
 tudinem ad Anum usque præterlabentes, sensim contraxerunt, multiformes *Recti*
 fibras irritando, naturalem, at paulò molestam, alvi exonerandæ cupiditatem exci-
 tant. Urgente mox necessitate, vehemens & spontanea fit *inspiratio*, *Abdominis* im-
 minuitur capacitas, in angustum *Pelvis* redigitur; facies Ano viciniores, magis ac
 magis compressæ, à subsequenter ejusdem naturæ moleculis urgentur ulterius, &
 ita propelluntur, ut, *Sphincteris* resistentiam superando, relaxent Anum, oscu-
 lum aperiant, ac tandem sub stercoris nomine foras eliminentur. Sic mechanica peragi-
 tur alvi dejectio: functio quidem naturalis; at infinitis propemodum læsionibus
 obnoxia. Quoties enim ob vitia quædam, Ventriculo pariter & Intestinis communia,
 vel depravatur, vel omnino aboletur? Num indicant aliud *Lienteria*, *Assectio Cæ-*
liaca, *Diarrhæa*, *Dysenteria*, *Ilcus*? Quot præterea modis hæc eadem intercepti,
 imminui, aut perturbari valet, à præcipuis aliquot vel *Recti*, vel Ani, vel partium
 circumstantium affectibus: quales habentur *Hæmorrhoides*, *Tenesmus*, Inflammatio-
 nes variæ, Tumores distincti, & speciei dissimilis ulcera, in Fistulas quandoquæ
 abeuntia? Anum ergò si devastaret Fistula, quis tempestivam ac certioremedendi
 viam inire dubitaret?

III.

QUEMADMODUM ab Equitatione & Sessione durâ, *Tenesmo*, cæcis *Hæ-*
morrhoidibus: Ani partiumque adjacentium dolor & inflammatio; sic ab earum-
 dem inflammatione Abscessus, Ulcus ab Abscessu, ab Ulcere Fistula sæpè trahunt
 originem. Quid reapsè Fistula? Ulcus durum, *callosum* & *sinu-sum*, quod ab
 interiori & latiori fundo procedens, exteriori & angustiori terminatur ore: per quod
 interdum *Pur* acre, aut *virulentum* emittitur. Id morbi genus, multas licet corpo-
 ris partes afficere queat, in Ano tamen ejusvè confinibus, ob loci naturam & situm,
 frequentiores agit radices. Ex his, inæquali progressu desinentibus, triplex potissi-
 mum emergit Ani Fistularum discrimen. Vel enim in *Recti* cavum aperitur Fistula,
 foris ocella; vel illafo Intestino, Ani margines aut ejus vicinias tantum perforat;
 vel utrinquè patens, cutem simul & *Rectum* pervadit. Hæc vulgò completa; illæ, sim-
 plices & cæcæ nuncupantur. Quævis autem, in plures anfractus aut sinus, longè læ-
 tere interdum sese diffundit. Ad *Recti* cavum quæ aperitur, foras ocella: tumore
 quodam se prodit, ut plurimum, externo, doloris inflammationis-vè particeps; *Pus-*
que ex eâ, vel antè primam, vel post ultimam alvum, vel unâ cum facibus, ipsis etsi
 non consumum, effluit. Quæ, sano superstite Intestino, Ani margines, aut ejus con-
 finia solum permeat, visus beneficio faciliè animadvertitur. Completa demum, quæ
Rectum æqualiter & cutem perfodit, non per signa modò simplicibus communia, ve-
 rum etiam *Puris* & Aaruum egressu se manifestum præbet. Omnes interim Fistularum
 Ani species nusquam certius, quàm digito & specillo exploratæ, dignoscuntur. De-

rectis penitus ac planè perspectis Fistularum Ani sede, naturâ, progressu, cuniculis & hiatibus, quidni legitima earundem institueretur *Prognosis*? Quidni opportuna eligeretur Curatio? Expedita est Medicina, cùm id vitium, simplex atque recens, intrâ carnes & Musculos consistit; in juvene, quàm in sene facilius. Verustior Fistula, sicut & profundior quæ ad *Iscium*, Os sacrum, vesicam, ejus collum, aut *prostatas* pertingit, arte nullâ sanabilis: curam, si aliquam, *palliativam* efflagitat. Quæ verò altè non penetrat & serpit sub cutem; vel altè penetrando, non longius à *Podice* recedit; ea, ut incisioni, sic & sanationi tantùm idonea. Fistularum quippè Ani *Therapeia*, quænam alia, sectione, præstatur? An alia celerior? Quæ jucundior?

I V.

PRO Fistularum Ani discrimine, curationem, sectionem-vè illarum ratione dis-
pari adoriendam quis non fatebitur? Et 1°. Ani Fistulæ, si conjungatur hæc *Scorbutus*, lui *Vereca*, *Scrophulis*, aut alteri pravæ sanguinis *Diathepsi*, non celebretur prius incisio, quàm apta cuique affectui remedia fuerint vel exhibita, vel admota. 2°. *Therapeia* cuilibet, pro viribus ægroti, ritè præmittantur venæ-sectione & *catharsis*. 3°. Præsto sint ad manum Opificis, & probè disponantur omnia, ad primum, ut aiunt, apparatus idonea. 4°. Ventre à facibus, *clysteris* ope, ultimùm *expurgato*: capite declivis, pronus in *Abdomen*; *clunibus* paululùm elevatis; diductisq; cruribus, &, ministrorum manibus, firmiter apprehensis, in lecti margine decumbat *Eger*. 5°. Si Fistula, non interiori minùs, quàm exteriori pateat orificio, pertusis utrinquè simul Intestino & cute: Chirurgus, sinistræ manûs indice digito, oleo priùs illito, in Anum immisso, dextrâ stylum accipiat, quem, per Fistulæ foramen exterius introductum, digitoque in Anum inducto apprehensum inscietat, forasque per Anum adducat; quo tandem, Anse in modum, eiformato vel incurvato, non solum quidquid comprehensum est, verùm etiam paulò ulterius, vel forcipe, vel scalpello incurvo rescinditur. 6°. Fistulæ orificium si tantùm fuerit exterius, in id adactò perfodiatur Intestinum stylo, quo per Anum retracto, prioris in modum præcédatur Fistula. 7°. In *Recti* cavum si Fistula solummodò aperiatur, foris occlusa, & aliquis tumor aduerit externus, ad quem pergere Fistulæ fundum coniciatur, is præcipuè incidatur locus, quâ incisionis viâ stylus per *Podicem* subtrahi possit, & eo, quod jam descriptum est, artificio tota Fistulæ cavitas denudari. 8°. Si neque circâ Anum tumor, rubor, durities, aut aliud cutis vitium, Fistulæ profunditatis index, conspiciatur, stylus inflexus in Anum, si liceat, impellatur: quo, ad Fistulæ fundum, per Intestini vulnus intromisso, suprà hujus extremitatem sectio fiat, per quam adducto stylo, quidquid ab eo complexum retinebitur, methodo supradictâ rescetetur. 9°. Fistulis Ani quibuscumque apertis, sinus earum incisione persequendi; excidendæ habenulæ, cavendo ne arteriæ dividantur; scalpello callum auferendum. 10°. Propriis Fistulæ characteribus ita deletis, ut ad simplicis ulceris, aut vulneris conditionem hæc redacta videatur, vulnus linamento carpto sicco, vel etiam vitellis ovorum nonnunquàm imbuto impleatur. Imponatur postea *Emplastrum* conveniens; *Splenium* superaddatur *longitudinale*; quadratum ex ordine alterum adiciatur: quæ omnia firmentur Fasciâ, ad id paratâ; cujus, parte unâ corpori circumdatâ, duo pendencia ex eo capita, per femora ad eandem adducta, alligentur. His denique perceptis, *Eger* collocetur in lecto, & idonea curationi diata præscribatur. Sic absque ullo recidivæ metu, cuivis Ani Fistulæ, salutaris, prompta & suavis adhibebitur medicina.

V.

JAM-NUNC *Ussionem* laudent alii; jam-nunc alii prædicent *Ligaturam*. Quid ita? Num dicere sanandæ Ani Fistulæ, accommodatior felicius-vè utriusque usus? An miserum acerbum-vè minùs utriusque præconium? Absit. *Ussio* rejicienda prorsus, præ crudelitate. *Ussio* non dira tantùm & dura; sed etiam inutilis. *Causiici* medicamentum aut noxas quid ad arbitrium novit præcavere vel compescere? *Decidente Elschbarrâ*, quam ipsa inducit *Ussio*, cum doloribus atrocissimis, *hemorrhagia*, callus, durities,

ulcus vè refricantur. Ab hujusmodi cruciatibus quoties excitantur vigiliæ, febres, *phlegmones*, *convulsiones* ac *deliria*, quæ tandem brevi subsequitur interitus? *Ligatura*, quanquam sæva minus, non minus repudianda. Diuturnior ejus administratio, eò periculiosior. Hæc, nisi repetitis, & quidem gradatim, pluribus fili aut setæ vinculis, perfici nequit. Constricta filo vasa si fortè dilacerentur aut excindantur omnino; fila ipsa si disrumpantur aut remittant, quid non eveniet damni? Vinculis ac *deligationi* erit superferendum, ut *hemorrhagia* succurrat: ulcus, priore pejus, recrudescet. Renovanda proindè in utroque casu *Ligatura*; cujus interim adminiculo, nec sinus, si aliqui occurrant, aperientur: nec habenulæ, si quæ superflint, delebuntur. At ecce regerunt nonnulli: Esto sua sint *Uisioni* pericula! Sua sint incommoda *Ligatura*! Quorsùm sectioni non anteponuntur *Vulneraria*, *Balsamica*, aliaque id genus auxilia, quibus Fistulas absque incisione sanatas jactant gloriosius? Præpostera sanè commendatio! Laus frigida quidem, & inventa callidiùs ab *Aegyptis*, qui, suam fraudulenter interpretando curationem, simplicibus Ani ulceribus Fistularum nomen tribuerunt, nubem pro JUNONE credulis ægris imponentes! Ergo-nè, reclamant adhuc, sine scalpello, forficibus, similibus-vè ferramentis nulla curari posset Ani Fistula? Sectionem nonne sæpiùs comitantur dolores insensibilissimi, interdùm *hemorrhagia*, vel ipsa mors excipit? Quid inde? Brevisissimi sunt dolores illi: *hemorrhagia* levi sedantur negotio; morsque, si unquam obreperit, non sectioni per se & absolute, ut loquuntur; sed per *accidens* tantum, vel etiam Artificis imperitiæ, adscribenda. Et profectò, ut medeatur Ani Fistulæ, duo maximè requiruntur: unum, partes ut conserventur sanæ; alterum, ut morbosæ dirimantur. Quà porò industria: quànã arte tutiùs, quàm per sectionem, Chirurgus hæc poterit exequi? Numquid sectionis beneficio, sic à peritâ manu dirigitur ferrum, sic manus ab eruditis oculis, à mente docili, Medici consilio adjutâ, cuncta sic disponuntur, ut quidquid ad *Dieresisim*, *Exaresim* & *Synthesim*, Fistulæ Ani profigandæ consecratas attinet, ab hac armaturâ faciliùs plenius-vè, quàm ab aliâ quâlibet, impleatur.

Ergò sectione præsertim, curanda Ani Fistula.

DOMINI DOCTORES DISPUTATURI.

M. Joannes-Francisus Ijæx.

M. Petrus-Josephus Macquer,
Regiæ Scientiarum Academiæ Socius.

M. Joannes-Claudius-Adrianus Helvetius, Regi à Sanctoribus Consiliis, Regiæque Medicæ Primarius, & Regiæ Scientiarum Academiæ Socius.

M. Carolus-Francisus Boutigny des Preaux.

M. Josephus Maria-Francisus de la Sône, Censor Regius, & Regiæ Scientiarum Academiæ Socius.

M. Jacobus-Benignus Winslow, Censor Regius, Regiæ Scientiarum Academiæ, Regiæque Societatis Londinensis Socius, Teutonice Linguae Regius Interpres, & in Horto Regio Anatomæ & Chirurgiæ Professor.

M. Petrus Lalouette.

M. Julianus Buffon.

M. Antonius Pepin, Regis Consiliarius & in Porta Brevisi Medicus Primarius.

Proponebat Parisiis LUDOVICUS-ALEXANDER GERVAISE, Ambianensis, Doctor Medicus Remensis, necnon Saluberrimæ Facultatis Medicinæ Parisiensis Baccalaureus, A. R. S. H. 1750, à sexta ad meridiem.

Typis QUILLAU, Universitatis & Facultatis Medicinæ Typographi, 1750.